




“I te cherdì con to ennom” dij le Signur.

La ploania d'La Pli tol sò con ligreza te sòa comunité **Max Feichter** (Costamesana) y ti fej les miús aodanzas ai geniturs Alex y Anna: Idio, la Oma dal Ci y le Santa Patron acompagneii Osc môt con sòa benedisciun y proteziun.



Signur, confermeia sòa empormetüda d'amur önn por l'ater.

La ploania i fej les miús aodanzas de benedisciun y fortüna ai nüc **Karin Mühlmann y Martin Flöss** co se dá adöm tal sacramont dal matrimone en sabeda ai 23 de setember a La Pli.

Schira Jonila: i chiriun por nosc grup na jona o n jonn a se daidé desco animadessa o animadú. Sce tö as enteres y ligreza, láscete adentene pa Manuela Rigo.



enformaziuns y termins

Pelegrinaje: l'unión dles porsones vedoes y sores dla Val Badia envieia en jöbia ai 28 de setember a n pelegrinaje a Weissenstein. Le bus peia ia da La Pli ales 7:00. lade, marena y picia marena costa 50,00 €. Enformaziuns y prenotaziuns dan dai 20 de setember pa Maria de Ierghete ☎ 0474 501322.

Referat: le consei de cöra da La Val envieia al referat de siur Robert Sottara “Mia esperiënza tles misciuns” en lönesc ai 18 de setember ales 20:00 tal salf dles manifestaziuns a La Val.

Grup Atmosfera: le Raiun Sozial organiseia por le grup Atmosfera en jöbia 21 de setember na jita da d'altonn fora por l'urt dal Felderhof a Uttenheim. An s'encunta ales 13:00 a Longega. Enformaziuns y prenotaziuns anter le 19 de setember te Raiun Sozial, ☎ 0474 524519 pa Sabine Rainer. Les encuntades dal grup vá ennant d'altonn y invern, vigne terza jöbia dal mens te Raiun Sozial a Picolin.

De dai Seniors: la Ciasa de Palsa Ojöp Frëinademetz envieia düc ala festa por le de dai Seniors en sabeda ai 30 de setember. I s'encuntun ales 15:30 por festejë la santa messa y dedò passunse en domisdé de aorela cörta. I s'spetun trec!

Ocio: le dotur Aldo Marcocci é demez ai 18 y dai 25 ai 29 de setember. Empé de el sará le dotur Luca Galiazzo t'ambulatorio, ☎ 0474 501477 o 342 5181295.

Döt le bun a:	Franz Trebo, <i>Desproch</i>	17.09.1926
	Maria Candida Trebo Maneschg	17.09.1936
	Mateo Ellecosta, <i>Ehrenburg</i>	19.09.1931
	Iaco Pedevilla	19.09.1936
	y a düc chi co á santennom y compless i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina al **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Se pordené önn al ater

☞ **Sir 27, 30 – 28, 7 | Rom 14, 7–9 | Mt 18, 21–35**

Dal Vangelo do San Mateo:

Te chel tomp ²¹ti é Pire jü pormez a Gejú y l'á damané: Signur, tan gonot messi pa ti pordené a mio fre, sc'al fej picé cuntra me? Set iadi? ²²Gejú ti á dit: Nia set iadi, mo setantesset iadi. ²³Con le regn dal ci éra desco con n re co orea fá cunt con sü sorvidus. ²⁴Canch'al á motü man da fá cunt, ti n'án condüt önn co ti ea diescmile talenc de debit. ²⁵Deach'al ne sciafiâ nia da rete i scioldi, á le patrun comané de le vene con fomena y mituns y con döt ci ch'al â, por le fá despaie jö ensciö le debit. ²⁶Danló s'á le sorvidú sciüré söi jenedli y periâ: Ais pazienza con me! I te reti döt. ²⁷Le patrun á albü compasciun con le sorvidú, l'á lascé jí y ti á lascé do le debit. ²⁸Canche le sorvidú ea jü fora, ál encunté n'ater sorvidú de so patrun co ti ea cion denars de debit. Al l'á pochené, l'á pié tal col y scraia: Paia ci che t'es de debit! ²⁹Danló s'á chel peté jö dan da d'el y periâ: Ais pazienza con me! I te retará döt. ³⁰Mo chel n'orea nen sei nia, s'an é jü y l'á lascé sciüré te porjun, cina ch'al ne n'â albü paié. [...]


I ponsun do

Nos s'aspetun comprenjiun por nüsc fai mo sun estesc crödi con i atri. Sc'i pordenun önn al ater, n'é cösc nia en at de gran generosité mo al é ma en proé da dé na resposta al pordonn de Chelbeldio. Chel co preia con sinzirité la suplica dal Patenoster „Pordona a nos nüsc picés“, sont le debojügn da pordené.

I periu

Beldio misericordius, to Fi t'á revelé desco en Pere co s'azeta y se pordona. Fá ch'i sunse ince nos arjigné da pordené. Por Crist nosc Signur.

Wilhelm Egger “Sonntagsbibel”



☞ **Letöres dla 25. domegna ia por l'ann:**

Is 55, 6–9 | Fil 1, 20ad–24.27a | Mt 20, 1–16a

Edema liturgica dai 17.09. ai 24.09.2017

DOM 17.	24. domegna ia por l'ann <i>Hildegard da Bingen, Robert Bellarmin</i>
08:30	gran messa por dōta la ploania <i>oferta por i debojūgns dla ploania</i>
11:00	funziun dal Bato de Max Feichter 10:00 <i>s.m. a Al Plan</i>
Lön 18.	<i>Lambert, Richard</i> 07:30 <i>s.m. a Al Plan</i>
Ded 19.	<i>Januarius, Igor, Ferdinand</i> 07:30 s.m. por †† signor Merch y Nane Graffonara
Dem 20.	<i>Andreas Kim Taegon, Paul Chong Hasang y compagns</i> 18:00 <i>s.m. a Al Plan</i>
Jöb 21.	21. festa de San Mateo apostul y evangelist, <i>Debora</i> 19:30 s.m. de ringraziament dla fam. Hubert y Margot Ellecosta, Gogn s.m. por i nüc Angelika Willeit y Daniel Ferdigg s.m. por les families Maneschg, Cianoré/La Costa dessot
Ven 22.	<i>Maurizius y compagns, Tomesc, Jonas</i> 07:10 <i>s.m. a Al Plan</i>
Sab 23.	<i>Pio da Pietralcina (Padre Pio), Tecla</i> 07:30 s.m. por perié do la pêsc s.m. por vis y defonti dla fam. Brandlechner, Gosser s.m. en onú de Santa Maria dal Bun Consei y San Padre Pio 14:00 s.m. da noza dai nüc Karin Mühlmann y Martin Flöss 18:00 <i>s.m. prefestia a Al Plan</i>
DOM 24.	25. domegna ia por l'ann <i>Rupert y Virgile, Gerhard, Hermann</i>
08:30	gran messa por dōta la ploania <i>oferta por i debojūgns dla ploania</i>
10:00	<i>s.m. a Al Plan</i>
<i>ampola:</i>	por †† Rita y Angela Willeit, Cianoré
<i>ministronc:</i>	► da doman y domegna: Armin Frontull y Sabine Trebo ► da sera y domegna: <i>Rafael y Cecilia Ellecosta</i>
<i>i recordun:</i>	Emilia Kastlunger + 17.09.2015 Rosa Trebo Pedevilla, Cortina + 22.09.2012



Oraziun

Pere, fá fora de me en stromont de to amur:

ch'i sunse bun da defene i püri y i arbandonés
canch'i á da dí val';
ch'i sunse bun da daidé i descredités,
canch' i sun tal zenter dl'atenziun;
ch'i sunse bun da tó so desco fredesc y sorús
la jont co á en n'ater corú dla pel;
ch'i sunse bun d'odei ete i fai ch'i á fat;
ch'i sunse bun da perié enstes pordenanza,
canch'i m'aspeti da gní pordené dai atri.



Pere, fá fora de me en stromont de to amur.

da "Parores por vigni momënt"



Brixner Theologische Kurse

Die Brixner Theologischen Kurse verstehen sich als ein Angebot für alle, die sich für das weite Spektrum von Theologie interessieren und alle, die in den verschiedenen pastoralen Diensten in den Pfarrgemeinden mitarbeiten bzw. mitarbeiten möchten. Die Kurse vermitteln ein solides theologisches Grundwissen und Qualifikation für verschiedene Dienste in Verkündigung, Gottesdienst, Gemeindepastoral und Caritas.

Die Brixner Theologischen Kurse sind dreijährig. Das erste Jahr ist als ein in sich geschlossener Grundkurs konzipiert, so dass auch eine Teilnahme allein an diesem Grundkurs sinnvoll ist. Er wird jedes Jahr angeboten. Dem 2. Vatikanischen Konzil gilt dabei eine besondere Aufmerksamkeit. Die Aufbaukurse I und II werden alternierend (jedes 2. Jahr) angeboten. Verkündigung und Gottesdienst, Altes und Neues Testament, Gemeinde- Jugend-, Familien- Alten- und Krankenpastoral bilden die Schwerpunkte dieser beiden Jahre.

Dauer und Ort: die Kurse finden in den Räumen der Phil.-Theol. Hochschule jeweils an 11 Samstagen und einer Studienwoche Ende Juni satt. Die Vorlesungen beginnen um 8:30 Uhr und enden um 17:00 Uhr. Die Anmeldungen laufen bis Ende Oktober. Program und Termine: www.hochschulebrixen.it

In regelmäßigen Abständen werden unter dem Namen „**Brixner Theologische Kurse Plus**“ Spezialisierungskurse angeboten zu ausgewählten Themen der Verkündigung und Gemeindepastoral. Im kommenden Studienjahr 2017/18 wird ein Kurs zum Thema „Es gibt nicht mehr Mann und Frau; denn ihr alle seid einer in Christus.“ (Gal 3,27f) „Gemeinsam Kirche gestalten“ stattfinden.

Informationen und Einschreibungen: Dekanat der Phil.-Theol. Hochschule Brixen, ☎ 0472 271121 – ✉ paola@hs-itb.it